



SURAT PEMBERITAHUAN PEJABAT SURUHANJAYA PERKHIDMATAN AWAM NEGARA BRUNEI DARUSSALAM

PENGIKLANAN JAWATAN KOSONG PERATURAN 38(a) DALAM PERKHIDMATAN AWAM

Hanya dibukakan bagi pemohon daripada kalangan Pegawai dan Kakitangan yang sedang berkhidmat di Perkhidmatan Awam Negara Brunei Darussalam sahaja.

PENASIHAT UNDANG-UNDANG KANAN (KUMPULAN 2) JABATAN TENAGA JABATAN PERDANA MENTERI NEGARA BRUNEI DARUSSALAM

Surat Pemberitahuan ini hendaklah dibawa kepada pengetahuan serta perhatian semua Pegawai-Pegawai yang layak untuk memohon

Syarat-Syarat Am:

- (A) Pemohon terdiri daripada Rakyat Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam.
- (B) Pemohon adalah dipelawa daripada Pegawai dan Kakitangan yang sedang berkhidmat di Kementerian atau Jabatan-Jabatan Kerajaan sahaja.
- (C) Pemohon mempunyai pengetahuan kerasmian agama Islam, adat istiadat, kebudayaan, perkembangan sosial, ekonomi dan politik Negara Brunei Darussalam.
- (D) Bersedia untuk bertugas bila-bila masa di luar waktu bekerja biasa atau bekerja secara bergilir-gilir (shift) atau semasa cuti awam dan juga hendaklah bersedia untuk bertugas di mana-mana sahaja di Negara Brunei Darussalam.



**PENASIHAT UNDANG-UNDANG KANAN
JABATAN TENAGA
JABATAN PERDANA MENTERI
KUMPULAN 2 (\$5,400 EB KHAS \$5,610 SEBULAN)
KEKOSONGAN = SATU (01)**

KELAYAKAN MINIMUM:

1. Ijazah Sarjana Muda atau sebanding dalam bidang Undang-Undang (*LLB*) atau dalam bidang bersesuaian.
Mempunyai kelulusan lebih tinggi adalah kelebihan.
2. i) Telah berkhidmat di Jabatan Tenaga dalam jawatan bersesuaian dalam tangga gaji Kumpulan 3 atau sebanding tidak kurang dari 3 tahun atau dalam tangga gaji B.3 atau sebanding tidak kurang dari 7 tahun.

ATAU

- ii) Telah berkhidmat dalam Perkhidmatan Kerajaan dalam jawatan bersesuaian dalam tangga gaji Kumpulan 3 atau sebanding tidak kurang dari 4 tahun atau dalam tangga gaji B.3 atau sebanding tidak kurang dari 8 tahun.
3. Hendaklah terlebih dahulu menyediakan **dua (02)** kertas kerja yang asli (*original*) yang memuaskan pihak panel penilaian, berkaitan dengan tugas Pegawai tersebut, dalam dua (2) daripada bidang-bidang berikut sebagai satu penilaian kenaikan pangkat:
 - i) Kertas Pembaharuan Perkhidmatan Awam;
 - ii) Kertas Kedudukan Pendirian Negara (*Position Paper*) bagi mesyuarat di luar negeri;
 - iii) Kertas Penggubalan / Penelitian Dasar;
 - iv) Laporan Tahunan Jabatan;
 - v) Penyediaan Peruntukan Jabatan; dan
 - vi) Kertas Kerja yang berkaitan dengan bidang masing-masing.

Kertas Kerja yang telah disediakan hendaklah disahkan terlebih dahulu oleh Setiausaha Tetap / Ketua Jabatan di Kementerian masing-masing sebelum dihadapkan kepada Ketua Pengarah Perkhidmatan Awam.

Bagi yang belum mempunyai dua (02) kertas kerja dikehendaki menghadapkan selepas dinaikkan pangkat.



4. Mempunyai Laporan Penilaian Prestasi di tahap sekurang-kurangnya **SANGAT BAIK** bagi tempoh 3 tahun kebelakangan.

TUGAS DAN TANGGUNGJAWAB:

DI BAHAGIAN PERUNDANGAN DAN PEMATUHAN SEKTOR TENAGA

1. Memberi nasihat kepada Jabatan dalam semua hal perundangan termasuk penelitian deraf perjanjian dan dokumentasi undang-undang, proses penggubalan dan hal-hal yang berkaitan dengan dasar;
2. Bekerjasama dengan Pejabat Peguam Negara untuk mendapatkan persetujuan ke atas deraf dokumen undang-undang dan memastikan ianya teratur dari segi undang-undang untuk dilaksanakan;
3. Bekerjasama dengan Unit Perundangan badan-badan berkanun di bawah Jabatan untuk memastikan keperluan undang-undang selaras dengan dasar Jabatan;
4. Menyediakan persuratan dan balasan untuk ditandatangani oleh Setiausaha Tetap dan / atau Pengarah di Bahagian Perundangan dan Pematuhan Sektor Tenaga;
5. Mengendalikan permohonan tanah yang diterima daripada orang awam yang disyaratkan jatuh di bawah konsesi Autoriti Petroleum Negara Brunei Darussalam (*PA*) atau *Brunei Shell Petroleum (BSP)*;
6. Penyediaan laporan mingguan bagi Bahagian Perundangan dan Pematuhan Sektor Tenaga untuk dihadapkan kepada Bahagian Dasar dan Strategi; dan
7. Tugas-tugas lain yang diarahkan oleh Pengarah di Bahagian Perundangan dan Pematuhan Sektor Tenaga dari semasa ke semasa.